

洞玄釋義經
陳冕題



259
3150

光緒辛卯松蔭居士敬刊

洞玄釋義經

本壇藏板

6256

洞玄釋義經目錄

並載諸聖佛仙聖誕日期

長生宮詔

長生大帝五月初一日

玉皇大天尊詔

正月初九日

關聖帝君序

六月二十四日

元始天尊寶樞經

冬至日

釋迦牟尼文佛跋

四月初八日

文昌帝君宏樞經

二月初三日

旌陽許真君跋

八月初一日



正陽帝君宣樞經

四月十五日

觀世音菩薩跋

二月十九日

孚佑帝君玉樞經

四月十四日

地藏王菩薩跋

七月三十日

孚善帝君微樞經

七月初十日

增福財神跋

七月二十二日

孚惠元君清靜經

四月初十日

燃燈古佛跋

八月二十二日

孚濟帝君金樞經

十月初十日

文殊菩薩跋

四月初四日

孚真韓真君運樞經

十一月初九日

贊育帝君跋

九月初九日

孚詮藍真君靈樞經

五月二十五日

光王佛跋

十月三十日

孚景曹真君奧樞經

八月十五日

普賢菩薩跋

二月二十一日

宏教眞君眞樞經

三月初三日

慈佑帝君跋

八月十二日

妙濟眞君精樞經

十一月初一日

太乙救苦天尊跋

七月十一日

阿南天尊妙樞經

二月初六日

普濟眞人跋

九月十五日

靈佑大帝跋

九月初九日

阿南天尊跋

十月初十日

魁星夫子跋

七月初七日

長生宮詔曰、靈慧秉天命、虛圓賦性初、宏開方便、統

三壇而宣傳教化、善啟迷離、興四願而布澤庶類、聖

道宗崇、允含中和之訓、境妙巍峩、克整嚴肅之規、前

經奏定明章、遵循定例、溯查靈虛宮、現屆十三元會

成、先天不動、玄洞精微、後天生化、妙含無極、是以名

曰、洞玄釋義經、分列十三部、以全十三派、生生無窮

之奧意、未經數月、功已告歲、勗爾多士、懋建勳功、嘉

爾守振、克勤首倡、書今告成、在事者宣嘉獎敘、經遠

垂久後學者遵此希效特詔

玄穹高上帝玉皇大天尊詔曰靈明冲宇宙虛實貫乾坤

宏開大化利物濟人實在之功夫善啟規模正心修身

知止之學問聖德巍峩施雨露羣黎均沾惠澤境妙清

靜建勳猷諸子同相修培茲據長生宮奏請前自戊子

年頒發靈虛寶冊精一真傳凡繪像水晶屏及配侍之

各員垂降寶誥編次成卷現屆十三元會成循照定例

演宣妙意先天之象如如不動後天之卦生生變化修

纂洞玄釋義經十三部以應其數而窮其理等情准議

施行應飭該專司等遵議編修繪像刊垂振啟先賢之
先覺開化後覺之未覺庶此天平地成人道中和三壇
邀恩四願承澤勗爾諸聖仙懋建勲功聿修厥德飭爾
眞神宣承布化勉勵精勤仰青雲而共上列丹府以同
修是經備載斯意與傳特詔

關聖帝君序

夫鸞化興莫不本仁義昭垂道德宣著忠孝居心信
義存念此方聖道傳王化興歷數百年恭敬謹謙慈
讓溫和而是道可尊崇是故

諸帝君諸仙眞垂經演化開迷革非誠可啟萬世教
十方不啻矢口鐘鳴孳孳爲善之士拳拳服膺希聖
希賢率命修道之根本自立品學優崇庶乎此大道
相近焉爾守振慷慨優容從心允諾是經可傳是道

可宣後世人均可奉此法則矣

旨在

光緒辛卯十有七年六月二十四日降筆於京都靈
虛宮大悲壇



大悲大願大聖大慈運週天
三百六十五度化地脉七十
二萬經畧至虛聖境慧悟正
宗圓明覺化元始天尊

功慎子玄謹率子靈敏子善意沐手敬書

洞玄釋義寶樞經卷首

元始天尊曰青松明月 萬古攸同 明珠仙露

妙奧無窮 翠竹虛應 道貫精通 黃柏普覆

慧覺圓轉 金丹大道 一理貫胸 龍虎交媾

坎離相攻 精化神氣 妙藥仙峯 神精氣養

培補眞功 玄玄奧奧 大德包宏 茫茫渺渺

錦繡從容 非色非白 玄奧玄空 持心守意

慧悟元綜 洞玄釋義 字字包容 修仙修道

心慧心通

註曰、當知陰陽、二氣太素太虛之分、玉虛宮何以云
首、爲諸壇之領率、爲百代之師表、云何故、皆可
得長生妙術、究竟涅槃、人道苦修、無挂礙、無煩
惱、無濁垢、可曰不生不滅、不增不減、云何故、無
苦集滅道、心法生焉、混混舍舍之大道、精一允
中、嚴恭寅畏、戒慎乎其所不睹、恐懼乎其所不
聞、方可語真道矣、

釋迦牟尼文佛寶樞經跋

嘗聞堯典舜謨、禹誥湯銘、誠爲萬世法則、百代訓規、
歷歷稽考、備備詳載、其理精一允中、其道大德輝光、
闡化精微、叅育妙運之至極矣、今

元始天尊洞玄釋義寶樞經、闡發道德、詳明律戒、洩
盡天地、精祕奇奧、啟廸人心、幾希動靜、字字如珠、句
句似玉、含宏大道、超生無量、得自在如來、現非想正
覺、語意詳切、釋解深遠、誠修心養性、坐道培功之一

儀範矣。念爾派下，玄謹榮秀，詳衆妙意，協運元機，勤
勲素著，苦念堅持，攜爾父祖，繼吉山。爾岳父祖，葬明
緒，爾姊夫，悟贊玉普，及爾善知識者，親咏孟修齊。左
右分配，聿修厥德，功膺日進，善著時深，奮志雲霄，仰
瞻

黃金闕，專念誠持，逍遙

白玉京，荷

龍光三接之惠承

鳳詔百拜之恩，燦爛兮，煥乎其有文章。糾縵兮，灼然而昭經。
濟功膺三度，刼超無量。斯言受授，色空空色，色空空，
斯經宣著，玄妙妙玄，玄妙妙大智圓明，慧無上菩提。
尊規訓垂載，後學者希此彷彿，堅修內經，步步進堦，
而登矣，是爲跋。
豈在

光緒十七年秋七日降筆於靈虛宮大悲壇

此經十十平好十日朝華外靈靈宮大慈聖

普耳

而登矣是為經

尊然則垂輝於學青帝也於將聖於內雖此步數

祺聯宜著之於故之玄故故大醫圖門無無上苦

微也聖二氣即靈無量洪育受對也空空色色空空

我之恩樂關合地平其育文章採錄令以然而即



大仁大慈大悲大願九天
開化七曲文明道德天尊
梓童文昌帝君

功忤子守和
功忤子修珙
功忤子行謹

沐手敬書

洞玄釋義宏樞經卷二

文昌帝君曰大道乾元 運行周天 巍巍峻德

布滿坤乾 洪荒宇宙 草木山川 包藏萬物

洪濛大千 生則有動 靜極而遷 一陰一陽

混混沌含 太虛太素 奧奧玄玄 兩儀分判

八卦團圓 九星分野 四時周旋 純陰純陽

虛實虛堅 德周天地 動變缺圓 滋生不息

感格精虔 咸臻百福 益壽延年 修心養性

道固根堅 中庸大道 不倚不偏 身披白衣

渡化九天 文昌司命 斗杓衡權 功感三有

忠孝爲先 洞玄釋義 修德省愆 宣玄昶悟

守守元元 善功德著 行修根堅 真機大道

陰騭文篇

註曰一十七世爲士大夫身但知存心積德慈祥救
民得成大道演法談玄妙意堅實大洞經傳今
飛鸞普化渡救羣生神人胥渡蠻夷共化

瑞世膏澤同布仁風

聖朝熙化共施德雨今故首降以開後愚爾諸生自
己卯以來同勦闡化先後不同他年功德栽種自必
均皆如一

旌陽許真君宏樞經跋

嘗聞上古盛世垂拱平章道德宣揚鳳鳴麟遊瑞靄
禎祥此雍和時洽熙熙穰穰景慶之光華也秦晉間
暢興大道宣傳妙意惟精惟一克茲克大莫不由是
一理而貫通焉今

文昌帝君洞玄釋義宏樞經誠本願之著作表教化
之宣流陰隲積修仁慈廣佈泗水春濱祥嘉其瑞五
嶽秋風妙沾其福矣念爾派下修珥錢漚興講學校

妙究玄奧、携爾父守正錢珮璋、悟靜劉佐辰、勤宣首
倡、和洽元機、携爾曾祖宣鏞、劉承恩、悟莊榮秀、勳勤
筆揮、勳燮和洽、携爾祖玄泚、雙柱配侍其左、守和李
均、精誠任事、久厯仙壇、携爾祖悟昭、李文玉、行謹、石
永祥、勳繼勳勤、聿修善著、携爾父真元、石瑞、守振、趙
守敬、興化首倡、膺著熙和、携爾兄守能、趙鉞、守敬、沈
廷樞、渾厚雍熙、精玄妙慧、携爾曾祖昶、魁沈世超、配
侍其右、克承斯命、永保天和、振儒風、天開文運、宣佛

法妙誦經典、傳鸞化於此日、暢發先覺之睿智、承道
統於他年、開啟後愚之迷蒙、三教合叅而三壇慧悟、
四科全備而四願興揚、斯經之傳、斯人之授、感之悟
之修之培之、此方實在運用之學問耳、云爾、是爲跋
皆在

光緒十七年丹桂朔日降筆於大悲壇



大聖大慈大悲大願宏仁殿大
樞輔宏仁開悟垂教道德天尊
樞輔權握宏毅正陽帝君

功修子淵瑞
沐手敬書
崇信子淵澤

洞玄釋義宣樞經卷三

正陽帝君曰梅形枯瘦 寒艷冰肌 雪守鶴伴

冷艷風羈 占春魁首 經冬練枝 和天地氣

分日月時 形分五瓣 花吐奇姿 道在離中

日月全宜 冷艷欺雪 嫩萼輕枝 文明之象

四象兩儀 八卦太極 堅固中虛 赤火南度

湧灌玉池 透頂光放 湧泉培滋 中分二斷

星辰雲霓 空空莫問 玄玄非時 何知動靜

靜化生機	風枝靜動	洞含洪儀	守之則信
放之則彌	卷之則密	退之則奇	何謂是道
道在於斯	何謂真機	慧生於基	何謂築基
妙滿於麗	何謂盈辰	務在於斯	何謂真玄
玄在於機	動合乎體	體本天資	資智聰明
莫勿奇離	何謂七情	情生於機	何謂六愛
愛發於茲	其道不遠	其法不奇	還元返本
運用培滋	守合動靜	靜化於奇	包含宏養

非道非此	洞澈交烝	氣在於茲	念爾初門
悟道培滋	守爾本性	慧生於茲	固爾形骸
助養培滋	守爾大道	體固全宜	貪嗔爲機
守定猿獼	寡慾清淡	知非知宜	動者有跡
靜者無基	守得真機	放則於彌	斯道斯道
念念於茲	何言悟澈	貫透通奇	雖云彼我
我自心宜	何分內外	內自釋疑	洞澈玄貫
巧象天儀	達乎理義	貫透真機	風動動化

精含玉肌 水培培養 草木精奇 何謂口道

自有真奇 何謂受授 半吐半癡

伴繼雲光妙法宜 運用六通化真機

天地形原三界外 乾坤法化九轉時

靈明守得歸元穴 交炁方知返本基

洞裏真奇精奧意 方圓體固潤培滋

註曰寶扇初分陰陽氣交三昧真火五蘊逍遙分三

百六十五度奪七十二分時候宏含真炁妙奧

無窮大將軍威風騰殺氣真名士磊落灑胸襟
力敵萬夫之勇才冠三軍之命北斗橫空雲漢
高聳英雄壯志鵠立辛勤妙展儒策運化周天
配位離宮秉先天不動萬物不生化育不長變
幻無底定化後天之真形南方火燄生始得天
清氣爽宇宙光明乾坤錦繡配合而成隱居終
南南方之極處慎始而慎終曰南而曰北著紅
衣坦腹露胸長鬚滿頰挽雙髻象形日月擔荷

乾坤眞火靜養，眞火自滅，功德林中，七朶蓮花蕊，八寶逍遙池，常使甘露灌溉，精液醍醐，眞火戊己生，太極分變幻，正寶扇之光輝也，金丹嚴密，奧理奪玄，但覺清風習習而入腹，換出濁胎，變化清靜，結成蓮花蕊，種就菩提根，一輪皓月正當空，光輝普照，妙無窮，寶扇如如無動靜，離宮方透眞火紅，怒髮冲冠劍如秋水，明月當空，化退千萬嘆魔火，混養眞火，四肢如如不動，用

者周貫全體，化者虛空沙漠，發者蓋世功名，滿腹經綸，出將入相之眞才，藏者修功養性，助道培基，實在之眞跡也。

批曰：怒髮冲冠，雄威蓋世，建勳勞，立事基，灑脫棄封侯，功成不染名，便是英雄量豪傑度。

觀世音菩薩宣樞經跋

夫古聖人立書法世垂規訓教善哉克明峻德允乎
顧諟天命宣其未發之經蘊傳其精微之實據斯可
以闡化後世矣今

正陽帝君洞玄釋義宣樞經妙奧而精玄覺悟而宏
化正名教挽頽風共慶熙皞之瑞宣化育啟迷蒙咸
臻福祿之祥其意精微其理深奧語不繁包藏無窮
奧妙句不多含渾靈蘊秀氣念爾派下淵瑞榮甲筆

墨宣勞勤苦懋著，攜爾父昶，吳恆昌配侍其左。淵澤
趙守敬，樸厚忠誠，心念堅固，攜爾父善暹、趙楚才配
侍其右。斯言全備，道德咸臻，斯人悟授，淵溥流傳，以
爲跋。帝孫同文，釋義宣，蘇蘇，吳而，蘇之，覺，哥而，宏
皆在。山，針，世，矣，今。

光緒辛卯二月十九日降筆於靈虛宮之松蓬醉月

夫古聖人立書，世世垂，然，隨，時，善，始，明，則，無，不，平
關，世，音，菩，藝，宣，蘇，蘇，也。



大悲大願大聖大慈開山啟教靈應祖師五雷
上相靈寶真人至靈至感真顯真應生生不已
大權天尊幽冥紀錄生死罪過斗府三台

御前都曹真君演化警政覺世渡迷三教大宗師興
行妙道普濟靈感妙道普濟佛協運天機樞輔
權衡天班右相純陽警化孚佑帝君

鶴雲子清筠
功行子清竺
沐手敬書

洞玄釋義玉樞經卷四

孚佑帝君曰木本火相 日出東方 光明洞澈

一點真陽 週天運用 普荷神光 恩榮草木

化被萬方 出震入巽 運轉三陽 帝德赫赫

金光洋洋 青色冷艷 妙奧珍藏 形分肝象

氣貫胃腸 守得大道 妙和陰陽 先天一炁

妙意顯揚 後天一脉 洞裏桃香 多恐多懼

木當春旺 雲烟縹繞 古洞生光 虛中生妙

仔細參詳 洞裏空洞 露冷嚴霜 一枝桂蕊
蟾宮飄香 和脾和胃 氣通肢腸 金丹九轉
大道生光 混元一氣 透頂珠光 出入守舍
神威顯揚 得授妙意 澤沛汪洋
德及生民化育生人 真空妙意太虛情
洞澈玄通三界外 靈明大道九丹成
註曰寶劍本無形先天真一之炁而化黃袍以著東
方甲木之精而生道巾飄揚灑脫塵外素綰結

綵自在神仙不忍坐視黎民塗炭日期下風故
發大願普渡蒼黎均歸善道列入金仙飛鸞肇
起始自何年唐虞盛世文武熙風不假神仙設
教迨自秦晉之間黑暗全生紅光久蔽

文昌帝君請命

天廷降筆人間垂陰騭文一篇五代時刀兵遍起劫災不
休不得已木筆沙諭象教鸞化始行天下人人
秘藏個個珍寶所授受者非文人戲筆弄墨推

敲吟哦滿篇數紙、立馬可待、自吾成道後、大興
宣化、而至今時、鸞壇遍處、始終賢愚混跡、良莠
難分、得真機慧悟者、百難求一、始通靈慧者、仰
仗仙緣、均必持握木筆托降金沙、全不知其中
深微奧妙、利害關繫陰律載、凡二炁未交、真機
不現、傷一命、罪應三千、靈機稍透、悞傳報罪應
八百、今時之人、全不體仙佛慈悲、貪心妄求、詞
有所轉、意有所思、故是混跡之論、良莠之分耳、

地藏王菩薩玉樞經跋

常聞玉符金章、丹書紫誥、傳於後世、真不啻汗牛充
棟矣、雖經典傳世、道書備載其中、精微蘊奧、學者未
能深釋而易明曉耳、今

孚佑帝君洞玄釋義玉樞經、混混噩噩、妙奧精藏、真
真切切、語意明爽、闡宣鸞化宏開渡世之寶筏、規箴
象教、善啟利人之梯航、惟憑一念堅固、守真元理、寸
心常無愧、大道如握掌、諦聽識遠音、宏叅深義、透慧

目鑒世情、陰律森嚴、赫得此博學之、慎思之、明辨之、
篤行之、其深微奧義、自透矣、念爾派下清筠、劉佐辰、
首暢元機、統宣教化、實任考查、功膺鉅細、携爾父昶、
星劉琨、配侍其左、清竺金培源、闡善純功、宣揚訓化、
指陳妙理、司事儒林、携爾父善、爰金興業、配侍其右、同邀
寵渥、四願興、咸沾雅化、共沐

恩膏、三壇立、廣布春風、功體聖道、熙佐

盛世光華、善傳佛法、均歸極樂清靜、斯語傳世、斯義詳註

斯跋宣垂、斯人遠播、云爾、是爲跋、

皆在

光緒辛卯中元晦日、降筆於大悲壇

次謝率眼中灰神目精筆就大悲壺
昔在玄真布春風功
德顯宣垂洪人教謝云爾景微顯



大醒大慈大悲大願運化
璿璣總理光正殿事務
陽孚善帝君

功懂子善懋沐手敬書
承恩子守功

洞玄釋義微樞經卷五

孚善帝君曰飄渺雲烟繞洞天 蒼梧北海倏然間

鐵拐撐破塵世界 玉葫常裝碧水鮮

洞裏乾坤玄奧廣 袖中日月性心蓮

推本還元求本色 金丹大道靜虛堅

形分天地 氣分清濁 化日之秀 得月之精

充宇宙以縹緲 宣化育而安甯 位居坎宮

黑水清清 德配離位 赤色熒熒 分度數之長



短 推四時之運用 丹爐九轉 法重三清 鐵
拐乘雲烟 縹緲而至 葫蘆含大道 運化流行
消寒暑須本積磨之功 度晝夜務存堅硬之誠
推根本 反躬而自問 尋來源 詳究其化生
金丹初轉 運氣流行 盤膝跌坐 降濁升清
由六至九 陰偶孤行 由九至三 大道生情
金丹二轉 化運生生 守形固體 養氣安寧
由左至右 旋轉流行 由右至左 分濁分清

金丹三轉 氣運流行 守得大道 無視無聽
丹田運轉 貫頂清清 分天地之度數 感日月
之秀精 由巽至坎 崎嶇未易行 由坎至巽
配合陰陽生 金丹四轉 心神安寧 鎖意馬之
莫放 守心猿而勿貪 固形骸而傷礙 守房宇
而基堅 金丹五轉 虛感真情 動靜生機 貫
潤肢腸而不枯 培養基築 和暢肺腑以滋榮
由巽至艮 土生萬物變化以無窮 由艮至兌

金秀山川以放光明 金丹六轉 雨施雲行 和
氣脉而流通四肢 發丹田而充貫五腸 由兌至
坤 一陰現而二陽生 由坤至離 一陽滿而二
陰缺 丹爐火候 久久堅成 青紅白色 珠潤
光明 金丹七轉 化育化生 推乾坤之精義
倒坎離之反覆 氣訣惟憑傳口訣 養心養氣金
丹成 秉得至寶一團固 自然細雨潤花榮 金
丹八轉 心神安甯 文明發現鍾靈秀 推轉工

夫苦衷誠 莫問工夫顛倒覆 凝結冰姿道初成
推運輪轉 火候初成 金丹九轉 性穩氣平
跨鶴羽之騰空 感太虛之真情 錯合陰陽 調
潤濁清 息養含潤 呼吸間妙運真功 配合精
奇 動靜時性靜聲平 九九輪轉 三三莫畏
守得清靜 皆無恐怖罣礙 超脫苦惱 吹噓朗
潤光明 運轉不換是妙丹 鐵鞋踏尋何處覓
守得歸心返元本 自然氣妙化三清

註曰、坐破蒲團七個、方可架得鎖鐵拐、通到頂門、灌到湧泉、萬脉之宗、一身主宰、其中奧妙、務當分清、不可黑白莫辨、清濁混然、此方謂之萬脉流通氣傳、玄精神到處、却是真、若非歷練真豁達、焉知其中奧妙、因何須假借形骸、顛跛躄拐、位居坎、黑暗暗一團真煞氣、目如秋水、心如皓月、六斷以分、五行而變、故有中滿之象、水滿則溢、功高則誇、此乃修行第一病、水盈而不洩、功高

而自掩、得圓陀陀、黑暗暗、混混中真一之煞氣、全仗鎖鐵拐、通上通下、運用周旋、何曰跛、何曰躄、雙足頓錯、玄武持螯、蛇化、方可謂修道修功、務必要將悶葫蘆一個打破、放出股清秀之烟、冲透斗牛、運滿周天、變化五行、此乃真水中放出一團紅閃閃、真元之火、自必結成金丹、固守全體、故此修仙了道、方可語初步小功夫也、何謂大蒲團、何謂鎖鐵拐、何謂假借形骸、何謂顛

顛跛跛何謂葫蘆一個此中之奧妙全在顛倒
陰陽轉坤乾輪推日月運周旋道生一六六成
畫水中滿變結胎堅

增福財神微樞經跋

嘗聞上古人心純純樸樸熙熙皞皞日臻上理崇實
黜華何假性命修玄奧旨含精各書勸化訓挽迨至
今時去古未遠人心淋漓頽風日盛盜風日起淫熾
火焰不可水遏利勢情趨積染俗習故是性命歸指
淵天學海全宗十要各種丹書佛經遍傳於世廣宣
化育矣今

孚善帝君微樞經開闢洪荒之未開啟覺庸愚之先

覺寶葫蘆空空包藏宇宙大蒲團實實遮滿乾坤其
意深奧其語不繁自當詳細而索玩之耳念爾派下
善懋周椿林善承先志勉力修持携爾父悟體周啟
秀苦心素著心念專一誠爲接濟中之一指臂補漏
中之一扶助故命侍左行修張崇基苦念久著惜字
精誠携爾父善煮張文燮命侍其右攸攸哉妙意須
叅悟渾渾然真理務慧覺希賢希聖成仙成佛只在
一念專誠自必升堂入室矣云爾是爲跋

皆在

光緒辛卯秋七月念二日降筆於大悲壇



菩薩摩訶薩
大悲心咒
卷第一
目連尊者白
佛言入三昧
見諸佛菩薩
摩訶薩
大悲心咒
卷第一
目連尊者白
佛言入三昧
見諸佛菩薩

大聖大慈大悲大願掌瑤池聖
境事務兼南海蓮華世界領袖
菩提士清靜大菩薩玉清晉秩
警化應運圓明覺慧孚惠元君

真樸率子行銘沐手敬書

洞玄釋義清靜經卷六

孚惠元君曰保元壽世配合陰陽二氣凝結

先天善良幽柔性逸一訓遵古方天地氣運

日月真光還元養氣奧妙真藏乾變於姤

達漸遯藏金烏玉兔運轉橋梁悠悠自守

落落大方赤龍斬盡返本還陽化得一氣

白水汪洋顛倒配合輪轉叅詳坤道主靜

溫柔端莊靜極生動動現紅光光冲宇宙

氣運周詳

何謂金丹舍利眞謂合斬盡赤龍休言身

二入還元歸返本神盡一四推詳種前因

生我門兮死我戶王京倒番氣運脫紅塵忽自安

守我靈眞固我舍寶泉配合乾坤返性眞變外誠

心靜無動動極靜王京一陰一陽須調勻此氣聚

保元神元壽世法壽世神醫妙手萬古春保氣靜

自此逍遙蓬萊島卷六波羅彼岸認元因

前身是我我復我中無我守靈光細言眞與諸立斷

趁好逍遙雲外路第一無牽無望何論親集其靈之

身中有物壺中妙神清大道是色色卽眞神清一

雲慧趁鶴雲中鶴外無雲鶴飛化不落塵神清小

靈空一氣精微奧二壽世保元自在春應采會而

批曰清靜根修固渾含道栽培窈窕之女秉性淑孝

而成大道清潔之身養氣眞固以受妙玄現七

朶蓮花結成嬰珞飄五色貝葉凝聚珊瑚含秀

氣通貫上下、運無爲、交澈坎離、子午兮而定靜、
寅申兮而活潑、掃盡落花、結成瑞草、五蘊空泡、
影虛幻、六賊斬、愛慾不牽、經傳妙意、法演坤元、
德綬真實、不二乾天、現形象於人間、飄采色而
俊秀、司藥品於瑤池、含醪醑、以酩酊、持心修養、
德逸餘輝、怡神靜慮、善集雲樓、現元陀陀一點、
真光、凝純潔潔、二氣雅化、飄揚雲外、集丹霞之
吞吐、磊落塵中、默黃庭以誦維、志道興詩、立禮

成樂、慶和風甘雨、欣瑞世之文章、悅景星祥雲、
講聖朝之禮律、德本幽嫻、性自純淑、淡飯麤衣、
飽輕裘肥馬安、陽關吹唱、折柳句、瓊林興賦、攀
桂詩、得授精一、運用允中、三教合參、萬法歸一、
守定心性、穩踏捷步雲梯、精藏蘊奧、高超無爲、
法門、固鎖元陽、桃花洞裏、妙生香、堅持真陰、杏
蕊村內、含藏奧、
道德通天地、精奇貫日月、混舍中生、出蓮花妙

相、真實裏得來、菩提真詮、受授大道、運布無窮、
此係精一中、一點實在功夫、自然慧貫心蒂矣、

燃燈古佛清靜經跋

妙想非非想、真空色色空、無緣情意淡、有感沐恩濃、
精奇運奧、閃灼圓融、得上乘清靜之真意、本混沌開
闢之實理、一點輝光、充滿宇宙、萬緣寂寞、貫澈乾坤、
萃含珠圓、妙奪珍奇、今

孚惠元君洞玄釋義清靜經、語潤光采、筆吐璇璣、頤
養天和、原洋洋中不二法門、精叅妙奧、本渺渺中無
爲道理、念爾派下守璫王源、接承正派、顯養天然、携

爾父善培王宗啟配侍其左江溥貴德精細安詳
隱善藏秘携爾父昶昶雙保真樸劉永湜行銘劉
模立願堅持父子雙修功膺懋荷勲堪列著携爾父
和熒劉安配侍其右仰贊化育永荷精修斯言昭昭
慧覺叅叅是爲跋

皆在

光緒辛卯丹桂念二日降筆於北會仙所之停雲樓



大悲大願大聖大
慈總理天下萬方
土地事聚陽子濟
帝君

功懋子德昌

爽萃子德本

沐手敬書

洞玄釋義金樞經卷七

孚濟帝君曰靜養靈根動養禪 修行覓路得仙傳

蒼蒼白髮童顏秀 搔首何妨問青天

大哉乾元 日麗乎元 含宏一炁 包藏方圓

至微至奧 無黨無偏 首出庶物 阜財豐綿

河車倒運 輪轉乾坤 靜養氣息 動中求堅

太極未判 兩儀備全 八卦相盪 五行後天

流行運轉 崑崙水泉 合形聚體 煉氣成丹

虛實分秒 真玄奇玄 位乎西北 名號蒼天
形分皂色 體現黃藍 色空空色 玄奧奧玄
無名爲母 有始成圓 陀陀光灑 蒼蒼斑顏
精神氣老 學問熟圓 入定靜養 坐功參禪
松柏配偶 竹月同圓 雲霄一派 法變萬千
生生剋變 妙妙精玄 空虛晃朗 洞澈無邊
光騰霄漢 道骨童顏 修到此境 卽是天仙
註曰混元真一炁奧妙本無窮生太古而莫考出混

沌而化成渾元未動天地初分二炁方交陰陽
將配鬚頰滿部髮鬢霜白包藏宇宙之運妙位
純乾天之度數原無窮期原無定相出乎乾入
乎巽爲龍爲馬大道生焉自強不息萬物生焉
執掌土脉位列冠首侍玉闕而列金仙配八卦
而會五行道古仙風玄通奧妙簡板分焉魚鼓
中而生道情拴住意馬鎖定心猿巧奪天地造
化變交陰陽二炁分而不動動而不分虛渺中

而生太虛實在裏而有太素太昊初成太精變
動如如自然之氣化爲真形用之則行舍之則
藏雲遊宇宙毛驢黑色分形二炁凝結方交感
精一道化自在圖

批曰天地混合日月清明大道無爲真法秘授口口
傳心心授惟一貫之跳出網羅離却是非落得
個安樂好大乘妙意作幾件方便陰陽也不枉
人事間如魚穿梭須學養神補氣培後天益壽
延年不老神仙

文殊菩薩金樞經跋

悠悠白雲、靄靄紅霞、夕陽日照、重山半遮、看飛鴉妙
意深釋、含金丹不二法華、大道混元氣、奪萃古今誇、
從容妙慧貫根蒂、念莫差、其中滋味、須詳叅慧悟、莫
可得矣、今

孚濟帝君洞玄釋義金樞經、蘊包含鍾靈鍾秀、發至
奧體固體堅、此誠玉符金章之一提綱耳、念爾派下
德昌興祿、效力奔走、勤司宣化、携爾父昶杲哈富當阿

配侍其左、德本杭椿榮、佛緣廣種、妙典深叅、携爾父
善煮杭瀛瑞、配侍其右、善恩閭桐立願、幫扶携爾祖
昶煦閭國、續配其右、同爾氣、合爾心、叅爾悟、妙爾慧、
包含春風、妙會處宣化、頤養壽室堅、勳培懋著、功膺
堅實、誠堪作後學者之希效耳、云爾是爲跋
皆在

光緒辛卯中元念二日降筆於大悲壇



大聖大慈大悲大願玉靜宮
總理樞化事蓬萊境總轄丹
詒冊玉清晉秩蓬萊上仙孚
真仙子道德真詮韓真君

功精子純怡
功恒子純恪
功守子純愉
沐手敬書

洞玄釋義運樞經卷八

孚真真君曰玉笛陰陽達九霄 仙風道骨五陵飄

庭前獻壽聯詩句 不進藍關白雪高

玉笛陰陽 一派笙簧 宮商角羽 調和幽揚

宮培厚土 德紹蒼黃 知止有定 靜后安詳

飄揚飄翊 法紀法良 德貴自專 道守悠長

河車倒推 運轉心腸 湧泉氣貫 白水汪洋

飄飄葉落 老壯返強 童顏道骨 丰姿嫩粧

迥異凡品 沽價珍藏 七政循轉 五行安詳

推形換影 變體更姓 英華咀萃 餌飲饕餮

玄通貫頂 普照靈光 真魂返舍 還元本良

斯道備載 妙含無疆

靜養靈空慧養機 大道真空無有爲

空中生靜虛中有 靜裏尋空化外揚

五炁凝頂三花聚 七真朝元九脉宜

變更形象形體變 童顏丰采俊秀姿

註曰英俊修道秉性聰慧得仙師指點大道生焉嬰

孩運養全體堅不用丹爐火候添玄功默化九

九轉八一補還離限天佛經內載人身有鐵圍

山倒轉須彌而成一二三四地步自五不足現

出世法道書內註八一火候九轉金丹翻江攪

海運水搬柴抽添坎離紫芽生黃花秀紅鉛白

錫鼎爐煉河車轉以音聲求我不得見如來若

以色相求我終不得見如來此是先天真一之

炁可培後天涵養之功自有一點圓陀陀光閃
閃通天徹地普照大千翠竹青青蘭花香玉笛
音飄妙奧藏持心堅固培元氣空空洞洞調陰
陽

批曰尋得真路徑問得好機緣路遠迢迢雪夜寒藍
關渡過八萬千便得瀟灑蓬萊快爽瑤池恆久
不倦功道成自然扶濟周全

贊育帝君運樞經跋

嘗聞昔孔子刪詩書定禮樂寓褒貶別善惡大道行
名教立父慈子孝夫唱婦隨兄寬弟忍友讓朋謙則
此天倫盡人倫樂允矣乎而精一聖矣乎而時中玉
振金聲可謂集大成矣今

孚真道德真君洞玄釋義運樞經詳申孝悌之義深
明忠烈之節實爲日用尋常倫理紀綱萬不可缺之
至要矣念爾派下純恪林敏忠耿樸性任事精實攜

爾父悟怡林鍾秀純怡張維騏志念堅實功勳久著
攜爾父祖肇張恩蔭配侍其左純愉顧文翰精釋妙
意練達勤修攜爾祖祖羨顧仁山配侍其右淵淵其
仁慙慙其智同叅妙理志超羣共識精玄心逸倫荷
龍光而寵邀

天祿承

鳳詔而恩重地厚誠是同心人會集雅聚宏善境內妙識春
風濟生社中凝盼秋水慈悲念感慈悲發忠恕心存

忠恕行故是斯人也而授斯經也持心固守堅念永
著幸之哉是爲跋

皆在孟秋中澣學士蘇東坡謹識



大脛大慈大悲大願掌管瑶
池事務玉清晉秩萬代教主
孚詮藍真君

功恪子謙謹沐手敬書
功華子謙和

洞玄釋義靈樞經卷九

孚詮藍真人曰

欲問念珠幾牽連、念珠循轉百八綿

粒粒皆生菩提果、珠珠載備大道全

功永方超三途苦、德新革故一旦愆

念念還本心空想、色色自合道儒禪

念珠百八是金丹、循還輪推鎖心猿

念念皆從心上起、粒粒根本子母圓

倒推河車輪還轉

返變坎艮復坤乾

色相但尋來復去

有無須辨泡影立

靜極生動動復靜

連珠化斷斷復連

推訪梅花知天數

子半陽分姤復乾

中孚信取大有益

鼎革升恆晉豫謙

兌煥明夷復本性

艮占無妄遯休遷

青紅自分黃色五

坎離交濟斷連三

咸臨泰履天地姤

遯壯剝否噬嗑連

訟凶大過損招滿

蹇改家人謙益連

動旋天地形分辨

易含精微須詳參

摩頂但使光明放

坦腹常灌海底乾

龍眠虎穴形通幻

兔走蛇巢變復遷

精參詳剖明辨哲

藝游仁依道志堅

翠色紅妝天地間

碧葉白藕石穴蓮

子結珠圓光朗潤

形辨推鞠碾軋研

琢磨明鏡常如月

無灰無塵無挂牽

大義明貫真光現

海外雲遊一洞仙

德配純厚

性本天然

根源慧質

德種青蓮

風搖風送

功琢功研

推形換骨

妙意真玄

清濁一體

水火相連

歙歙推換

皈臯空禪

坐功問道

歷經幾年

鐵板敲響

大道備全

註曰半壁山峯萬丈深巖奇形怪狀空洞虛玄滿天

星斗一輪皓月山猿嘯瓜果滿樹碧水潺潺源

泉滾滾清爽快意溫柔正是龍吟虎嘯鳳翥鸞

翔候好時光莫錯悞任爾踏遍山岸尋不見妙

桃花桃花只在洞裏關鎖門戶倚靠山崖攀枝

上巔絕頂峯臨天聳瀑布流泉下耕種好良田

春發夏生秋肅冬殺白雪飄飄雷聲轟轟搬倒

松枝樹仰臥觀青天尋得真奧妙聚頂透三花

此道此道全在鐵板敲推窗問明月山川不老

萬古長青

翠竹蒼松萬古攸同豁然達貫究講妙意涅槃

中現出波羅深釋楞嚴法華內自然世界妙解
普安一理貫通萬事應機養爾天和守爾太和
發出自然妙理雌雄寶劍劍氣光芒貫冲斗牛
運化周天運用人間醫識精通身體妙慧此所
以然妙奧精奇耳

藥師普濟琉璃光王佛靈樞經跋

蓋聞天地之大日月之明宇宙之濶山川之秀草木
之精河海之湧此陰陽二炁凝聚精華之所以然之
自然妙理運奧精奇發現也今室宣宣此靈樞經
孚詮藍真君洞玄釋義靈樞經發兩間之奇秘含中
和而蘊秀字字宣明句句結實現青雲朵朵皆蓮花
深叅涅槃妙意發紅光靄靄成菩提究竟波羅奧句
雌雄寶劍運化陰陽慧悟叅覺醫識精通此誠妙意

中真切功夫不二法門念爾派下謙謹張德祿勤勳
懋著醫妙精識攜爾父悟性永福岳父父悟持趙恆安
配侍其左謙和呂鴻綬言語司化持心敦守攜爾父
善勳呂廷燮岳父善燦朱仁配侍其右登青雲而高
上仰絳露以承授同壇濟濟共室宣宣此經昭著道
功永垂云爾是爲跋
皆在

光緒辛卯秋巧日降筆於大悲壇



大悲大願大聖大
 慈管理瑶池蓬萊
 五仙玉清晉秩孚
 景曹真君

精勤子恪懍
 功懽子恪慎
 沐手敬書

洞玄釋義奧樞經卷十

孚景真人曰一陽初動 六陰伏連 艮土缺陷

坎水清濂 符合配偶 倒運坤乾 星辰色變

山河相聯 靈秀鍾感 光潤熟圓 有形有跡

無望無牽 翊翼楊靄 磊落山岩 黻黼黻黻

浩渺清漣 子母分象 嬰姤相立 素守其位

氣秉先天 醍醐貫頂 醴醪味鮮 提綱綱罟

依移易牽 躊躇往返 赫譚留連 歸本返性

固氣還元 施博守約 裕後光前 中和參育
肅整規嚴 子午一候 卯酉氣旋 氤氲氣合
氛氲通宣 九轉丹活 八洞妙玄 覆載形影
運轉推旋 王道蕩蕩 妙意翩翩 真元固守
歎歎光鮮 艮居東北 脉本西乾 簡板聲響
玉簫韻妍 中孚泰履 大有豫謙 恆升晉益
虎變龍顏 金丹成候 皈晷返玄 細縕含合
妙法無邊

妙意廣宣八洞全

陰陽配偶變千千

但守靈明歸本性

自然悟慧法無邊

註曰萬篇半箋皆是文章數句淺語全是道理何可
棄何可拋精精業業在其中滋滋味味氣脉厚
午夢拋書卷長途唱道歌小樓醉飲夜月燈輝
烏紗圓袍位重勳戚吾之簡板長五尺厚三寸
吾之道歌名曰脫脫醉飲長安脫靴露頂遺像
人間方知國舅忠耿神仙

批曰陀頭陀頭何日修得菩提菩提今時方醒天道
有循還月色有虧盈機緣有定數造化本自然
此方是明明大路守得心拴得意鐵擔挑起兩
頭重平衡準信步踏來緩緩可到蓬萊島
莫奸莫詐方是修福莫貪莫吝實係種功陀頭
何來生妙意菩提妙種享厚福

意興宣入師全

自悲計慧法無數

普賢菩薩奧樞經跋

二日習筆於大悲堂

花月滿欄杆翠竹青松天地春秋萬古不凋殘道守
機緣遇問梅花三五消息有望長途路遠迢迢焉得
修既得修焉知過去未來吉凶休咎自得牢守心性
意須端行須方正是中庸道理水洋洋砥柱可到無
偏差只在一念專自然修得菩提快樂安哉今
孚景曹真君洞玄釋義奧樞經從來妙意須參想要
在箇中求實理海外洞天皆無二烟波江湖任釣垂

其意深奧、其味無窮、日日慇懃眞思悟、焉知大道無
金丹、念爾派下恪懍沈廷樞、渾然修持善和天然、携
爾祖悟淵沈岳年、功德修著、善念感扶、配侍其左、恪
慎沈恩慶、勤功專用、苦念懇切、携爾父善昶五達子、
配侍其右、固持眞元氣、含宏妙福培、守和中正理、善
感會靈臺、斯經授受、斯人慧悟、源源廣宣、樂樂悠優、
是爲跋、

光緒辛卯秋巧月念二日降筆於大悲壇



大悲大願大聖大慈玉清正派開
悟傳道生生大權天尊宏仁殿領
殿事通霄殿協輔大將軍精誠妙
玄菩薩匡危扶難宏教真君

凝固子賦性
功恂子賦元
功葆子賦本

沐手敬書

洞玄釋義真樞經卷十一

宏教真君曰大道精奧	妙理悟叅	桐高百尺
修培心田	月明三五	光明團圓
青松秀色		
耐守嚴寒	翠竹嫩艷	心虛體堅
元黃真道		
碧翠青蓮	柳柳居士	渡世結緣
慈悲廣大		
恩惠無邊	善男信女	莊誦廻環
吉星護耀		
侍衛真軒	洞玄澈朗	心綵光鮮
消度寒暑		
運化周天	考覈功過	禮律森嚴
允中精一		

萬語千言 授授心會 明悟詳參

註曰養心靜慮守太和禮門義路文學科淡泊明志
超千古渡世指迷化娑婆吾本宋世儒人博學
詩文精參醫理常存心田廣行方便自號曰柳
柳居士逸號青青子居於水濱施醫濟世功名
未能上進棄儒修道靜養天和敦崇太古本李
姓俊名鬚頰滿部古月春風面如栗色濃眉飄
采施醫救人名馳海隅不受人間致謝鄉村愚

夫報答無從因好柳或一株或十株歷年來綠
柳皆成春象一日蒙師

孚佑帝君渡化賜號精陽子叅修正理悟啟覺宗數
年來大道丹成鄉民等不忍吾超昇拔宅感

觀世音菩薩渡化成真烈風暴雨樹皆化像赤鬚紅
髮豎目獠牙猙獰如惡鬼均頭生柳樹竟不知
有幾許是故俗傳配侍

師傍善渡者妙化妙像惡渡者奇形奇怪感求者呼

柳以柳居之呼李以李應之宏毅者

上帝命名也柳榮者

恩師賜派也今故作此詳明其義以經綸而濟世以文章而化迷時時存心刻刻守念經中妙理一意貫通慧者詳叅豁然而慧覺之

慈佑帝君真樞經跋

嘗思古聖人出一言而可以法萬世準衡者立一行而可以昭千古標榜者其功夫惟在太學之道明明之德知止至善定靜安慮砥礪純熟庶此永久昭垂雖後世好學者亦難貶議譏誚矣今

宏教真君洞玄釋義真樞經註作和衷叅贊化育津津然嚼之而細味滋滋然鼻之而馨香實爲人生立業展經綸勸治化建勳猷之至語而無底境耳念爾

派下賦元鈺錕、靈智聰慧、仙緣素著、携爾父昶泉富春、賦性王澄、文學勤優、篤實堅定、携爾父善蒸、王星如配侍其左、賦本閭桐、猛勇進善、堅實快爽、携爾父悟譚、閭泰山、配侍其右、勸宏善共、開慈悲之化、侍聖境同布忠恕之仁、救難救急、利物利人、皆係聖賢純熟之功夫、施藥施茶、濟寒濟饑、必本仁人天性之感發、故是言也、思悟之而暢宣之、故是經也、玩索之而誦維之、得此授受、永恒無疆矣、是爲跋、

旨在

光緒辛卯秋七月中、澣青蓮學士李白降筆於桐月山莊

大悲大願大聖大慈通霄殿領
殿事宏仁布化於無極名稱道
遙之號宣撫闡道於神機權掌
勦變之任領袖羣仙稽察總錄
白雲逍遙福佑廣惠妙濟真君

功愉子咸誠
嘉蔭子咸堅
沐手敬書

洞玄釋義精樞經卷十二

妙濟真君曰一輪皓月三五光華青松翠竹

碧葉紅葩春風麗日夏雨烟霞精奇奪萃

意念莫差固持根本培修嫩芽深岩古洞

覓遍天涯守道則進莫人三父視聽言動

呼吸吁呀守守從想江水清茶磊磊慷慨

雲山紅霞洞中玄意海上仙槎素乎其位

何必矜誇純誠篤志敏捷精華持心靜養

福祿咸嘉 斯言受授 運化婆娑 海棠垂蔭

分緣窗紗 宣玄祖悟 智慧星加

註曰白姓名孟忠號逍遙子京都宛平縣人也生于

雍正元年幼而聰慧壯而入泮九試棘闈愧未

名題雁塔隱居花椒山立志堅修誦讀金剛經

三十載仰蒙恩師


孚佑帝君渡化成真行年七十有四始至濟善瓊林

宏善聖境開化以來歷授恩獎由仙子擢任真

君得進三步遠莫退一分踪修培常如此何

事不寬鬆寒江晚渡夜雨松蓬巾幘莫失意得

從容反覆無定豈是英雄堅持不素美運亨通



太乙救苦天尊精樞經跋

蓋聞太上五千言、道全德備、佛語六字訣、空明洞澈、
孔氏四書、萬代宗崇、十三經列傳、大道行焉、至德表
焉、中和致焉、此三教、莫不由垂註篇簡、訓愚啟迷、至
要綱領指趣矣、今

妙濟真君洞玄釋義精樞經、訓語包含、規模全備、金
剛妙波羅、玉樞藏精微、字無多、意深明、實係忠誠樸
實之意矣、念爾派下咸誠王長清、老成諳練、苦念堅

著、携爾父悟恪王吉善、爾兄善壽王長澍配侍其左
咸堅傳汝霖耿直中懷、苦念專誠、携爾父善康傳天
福、爾叔善成傳天祿配侍其右、誠哉妙意救世俗之
澆風、佳哉是卷振聾瞶之驚覺、感化本忠誠、歷陳須
堅實、宣傳數語、告布同仁、是爲跋、

皆在四書萬升宗崇十三齋四朝大猷行誼至誠表
光緒辛卯七月念五日降筆於大悲壇



哈哈圓通圓通自在心通慧
悟叅覺萬法皆空虔心感格
妙遇春風活潑歷練智慧圓
融大慈大悲渡難渡迷總理
鸞壇都御史菱花教主知覺
命眾阿南天尊

靈訥子善樸
靈誠子守慈
功愷子悟禮
靈誠子善誠

沐手敬書

洞玄釋義妙樞經卷十三

阿南天尊曰天地精華 草木初蒙 明珠仙露

水月松風 眞含妙意 準繩達通 固守本性

道德歸宗 風流儒士 布化春風 溫柔典雅

俊采丰容 丹砂法演 道伏虎龍 眞機不洩

破衣蓬鬆 沙壺一把 妙用無窮 破鉢載酒

含化包宏 東土渡救 處處相逢 西方自覺

慧貫圓蟠 隨緣而渡 雨澤豐隆 遇疾而救

恩德含宏 眞經一卷 授受無窮

註曰各人修持各人堅功換功今功力添天道默默

賞還罰須把此語顛倒顛肥馬輕裘轉眼瞬修

行自如松柏茂固守靈空一點尋世事浮雲莫

論眞

風動樹土

市外春風

豈乘典範

水月空風

眞含妙意

舉辭教訓

固守本卦

阿南天尊曰天此辭華

草木成象

即此山靈

阿南天尊曰天此辭華

草木成象

即此山靈

普濟眞人妙樞經跋

白雲漁父觀而驚嘆中味谷

蓋夫人生天地間貴盡孝弟忠信禮義廉節方可爲

天地之完人處事無愧於心無愧於心即無欺於神

無欺於神即無欺於心則是聖賢克己之功夫明理

之正道存心之滌慮養性之圓熟發之於事業名標

麟閣筆垂孤史註之於篇簡可法則後世垂昭千古

也今

阿南天尊洞立釋義妙樞經意發精微語著實在放

之則彌六合卷之則退藏於密實由率性天命教道修身至當至中之論訓愚開迷化俗警雅真切真要之語念爾派下精萃孫德慶念發攸長善懋勳績攜爾父昶昶孫寶樹精守劉文秀殷勤效力續繼誠心攜爾兄善篤劉文奎配侍其左精樸陳元渭心念懇切傳送奔勞攜爾父善燾陳鑑純慧汪成錦意念聰慧堅持修著攜爾父悟定汪灝配祀其右靄靄紅雲越鵬程而鷗搏湛湛白露跳魚躍而鳶飛養中和各

得混然正理發真心均超無上菩提誠是言也三教合參誠是經也一理貫通淺言述作詳明儒林之真謨鄙意擬跋深解釋門之妙理道心危危人心危危參合而慧覺之是爲跋

皆在

光緒辛卯秋七月柳塘吳可讀謹跋於靈虛宮之桐月山莊

珍奇轉瞬息間易忽去此功夫須理論鏡高懸無塵垢白玉清潤透光華自有個開花結果期自有個收成妙會處三三二二五五七七保元固持壽世彌陀清風拂袖來有踪去無影明月迎頭尋實跡著空虛盡在不言中全得心慧授何曰道何曰德何曰法何曰玄何曰空盡在五行中盡在人情裏綱常大道禮義爲先忠孝須重此方中庸正道雖釋氏傳教摩頂光頭右袒合掌溫養定靜明心見性大智圓明慧登

無上菩提道門宗律束髮冠簪雲履踏實嗟呼叅修存心養性逍遙赴蓬萊快爽集瑤島自不外乎此守中正道心口相慧數言備載云爾是爲跋、

註曰吾自秦晉以來始成大道馬姓基名字靜修子號隱學居士咸谷人也昔時生於亂世人歸山林夫婦雙修行年五十有七而無嗣復姤中孚咸臨屯蒙師履噬嗑離震家人得子有三顯名天下宗祧有繼綱常不缺棄塵得道敕授靈佑大帝

旨在

光緒辛卯二月十八日降筆於靈虛宮

知覺天尊跋

醉飲岳陽夢醒黃梁鶴鳴一唱
日色輝煌玉笛音韻
品簫笙簧鐵板敲響籃提瓊漿
劍橫古壁拐渡汪洋
葫蘆包含宇宙洪荒破鉢裝滿
日月星張蘆葦一葉
駕渡慈航空空世界色色裝潢
三教一貫道法千章
雲飄飄隸棋枚餽餽含英咀萃
品類分詳春風醉飲
質頂提漿字字珠粒句句參詳
洞玄釋義妙奧精藏
讀者參悟嚼味細嘗內含九轉
品節言詳外分八卦

寶玉珍莊斯言諳諳奮勉當強其語津津謹守綿長
叅透運用功行周詳益壽增福永慶平康懃懃惠念
悉懃意怠恪慎怡愉琪珍琳琅祿豐富厚篤慶吉昌
肅整規訓嚴律端方勇猛精進道守悠揚註述評鞠
次月分張形端表正敬義福祥敦樸孝友恭莊柔剛
淺言讚跋遺笑大方
妙意廣推運叅禪 步步功夫細悟全
洞玄妙奧生剋化 緣深智慧無緣遷

哈哈醉飲瓊漿妙在叅詳合叅共悟便是金丹九轉
後月可通靈竅開茅塞光天化日水月松風細嚼細
嚼便得無窮趣味靜悟靈根遠彩飄錦雲章通得一
氣貫字字可周詳便是無窮趣味樂樂安康享壽無
疆堪爲跋

旨在

光緒九年歲次癸未六月二十四日降筆於萊廠胡
同五聖關帝廟內宏善聖境

辛卯三月二十六日清虛瑩人悟靜劉佐辰奉

諭沐手重錄



二十四日斜筆效榮風



259
3150

魁星夫子跋

大德文明盛千秋世業新洞玄垂釋義經演妙如春
十三分派定正德可修身洗心常滌慮日日盤銘新

繪圖

十三頁潤資白銀陸兩肆錢

繕寫封面

千並題呼號

十五頁潤資白銀壹兩捌錢

刻圖

十三頁潤資白銀拾玖兩五錢

刻序跋

三十頁工資白銀拾肆兩捌錢柒分九釐

刻正文

三十頁工資白銀拾貳兩肆錢叁分捌釐

刷印裝訂高粉連紙每本價銀

如要套外加四分

貳錢

板存宏善聖境